

Entregamento di buki 'Historia di Savaneta' na Departamento di Cultura

ORANJESTAD - Dialuna 21 di juni ultimo a tuma luga entregamento di e buki 'Historia di Savaneta' na Departamento di Cultura Aruba. Sr. Jan v.d. Straten, Director Interino, a ricibi e buki for di man di Sr. Adolf (Dufi) Kock, e autor, den presencia di Sr. Frank Croes y Sra. Glenda Reiziger. DCA a felicita y a gradici Dufi pa su trabou literario asina valioso y importante pa historia di Aruba. Anteriormente ya DCA a ricibi ehemplar di e otro bukinan di Dufi cu ta: 'Fecha y datonan historico di Aruba', 'Historia di un auto clasico' y tambe 'Guia con pa solicita pa un trabou'.

E Seccion di Investigacion y Documentacion di DCA sigur lo por haci bon uzo di informacion for di e buki aki ya cu Dufi a acumula varios dato di diferente epoca cu tabata importante den desaroyo di Aruba. Durante e bishita aki Dufi a expresa su deseo pa mas persona por skirbi di nan bario of districto, ya cu ta nan ta esnan cu conoce nan bario miho. Dufi ta kere cu di e forma aki Aruba henter ta haya sa y por disfruta di historia, tradicion, custumber y di mes por conoce diferente figura cu a y ta forma parti di un bario. Tambe lo por haya sa di diferente anecdota cu a yega di tuma luga.

DCA ta masha gradicido cu e iniciativa aki di Dufi y lo keda stimula y motiva un y tur pa keda skirbi di nos historia y tambe pa keda contribui cu lectura den nos idioma Papiamentu.

